



儀

式

第

一 祈年 春日 大原野 園
二 神平野
三 賀茂 祭
同

9

2401
1



門保
冊 2401
卷 1-5

菅氏書
寶之印

儀式卷第十
天保甲午
刊行



儀式卷第一

- 祈年祭儀
- 春日祭儀
- 大原野祭儀
- 園并韓神祭儀
- 平野祭儀
- 松尾祭儀
- 賀茂祭警固儀
- 同祭儀
- 奏御卜儀
- 神今食儀
- 大殿祭儀

二月四日祈年祭儀

六月十二月十一日
月次祭儀亦同

前祭十五日月次五日充忌部八人鍛工アヒツクリ共作木工

各二人令造供神調度但ユキ數者ユキ數編氏造之神

祇官忌部官一人監造若官内無忌部官人及

神部之中忌部不足八人者兼取諸司氏人充

之キヨマハリ其潔衣料布人別二丈七尺官人細一人白

米二升酒六合五位一升五位鯨三兩五位五兩加東蛇

兩五位鹽二勺五位海藻二兩但鍛工共作木工者

不賜潔衣及食其日卯四刻月次祭六月卯一刻十二月辰一刻

所司辨備庶事神祇官陳幣物於齋院京職貢

白鷄シラトリ一隻近江國豚一頭月次不貢鷄豚次神祇官人

率御巫等入自中門就西舍座東面北上大臣

以下入自北門就門内座大臣在西掖東面參議以上在東掖西面

着紫五位以上在門外東掖西面外記申庶外記申庶

事辨畢之狀共起就北舍座大臣南面參議以

上西面諸王東面並北上其大臣用北戶參議以上東砌諸王西砌

大臣喚召使二聲召使稱唯進立舍前大臣宣

式部乎刀稱奉入止宣遍召使稱唯出命云式
部乎刀稱奉入止宣輔稱唯率群官入自南門
就南舍座北面東上御巫降就西舍前庭座左
右馬寮各牽御馬廿一足寮別立南舍東頭次月
祭左右神祇官掌二人率祝部等入自南門立
各二足西舍南頭神祇官人降就舍前座大臣以下及
諸司共降就舍前座中臣進就庭座讀祝詞每
一段了祝部稱唯讀訖中臣退出神祇官拍手

兩段次大臣以下五位以上次諸司主典以上
次祝部並不稱唯然後皆復本座伯命史奉班
幣帛史二人共稱唯各取札分立案西頭東向
忌部二人率神部二人進夾案立監頒幣事史
以次唱御巫及諸神祝各稱唯神部執幣頒之
太神宮幣帛者差使進之史復本座申頒幣畢伯命云縱史
共稱唯訖大臣以下以次退出

春日祭儀

二月十一日
上申

前祭預令陰陽寮擇定祓日時及方地前祓一
日辨官仰所司立帷於河頭祓日時刻齋女駕
車向祓所其儀也左右京兵士各一人杖執白在
道左右前行坊人各一人次之官人各一人次
之前行六位左右各二人次之五位各一人次
之院別當在道中央次之從左右各二人左右衛門火
長各五人在道左右次之相當前行者門部各一人
次之著青摺衫近衛兵衛亦同左右兵衛各一人次之左右

近衛各一人次之齋女車在中路次之車從左
右八人著褐衫小童左右各一人次之服色同上走孺
近車左右各二人著紫喬濃執屏繖左右各一人次
之相當執翳左右各一人次之並著退紅漆衫院司左
右各二人次之相當陪從左右三人次之清器
韓櫃一荷在中路次之今良二人相分在後從之女別當車
次之男從左右各四人女從近車左右各二人
其車乘私車下宣旨及陪從第一二車亦
同但第三以下童女以上乘馬寮車宣旨車次之男從同上女從
近車左右各一

人膳物韓櫃二荷次之祿物韓櫃四荷次之領
夾櫃左右陪從女車六兩次之第一二車男從
各三人左右各三人女從近車左右各一人第三四五六
車男從左右各二人女從同上童女車一兩
次之男女從山城國司五位一人六位一人率
郡司等候京極大路引道到被所辨史生官掌
各一人率所司行事中臣供麻宮主讀被詞事
了饌祿有差訖還本院前二日早且神祇官人
一人率神主神琴師神部卜部等掃部官人率

掃部等內膳官人率膳部仕丁仕女等向社行
事前一日鷄鳴齋女駕車社除非國司之外
等陳列次第比到大和國國司祇兼山城國
一同被日儀比到大和國國司祇兼山城國
司從此而還到佐保頓舍宿是間外記史與供奉諸
司於社西方被禊訖辨備供神物祭日平旦神
祇官人率物忌童女掃除神殿內神部等裝飾
神殿以神寶立殿頭及垣邊所司供張如常訖
大臣以下入自西方南門就外院座六位以下

藤原氏人依次就座名字書札札及筆硯辨官官掌預前備之
是間齋女駕輦泰社其行列也郡司二人在道
中央前行六位國司一人次之五位一人次之
步兵左右各十人在道兩邊前頭與六位國司平頭騎兵
左右各廿人次之內藏寮幣在中路次之與第
兵平頭中宮幣次之與第九騎春宮坊幣次之與
十四騎院幣次之與第十八騎春宮坊走馬左右
各一騎在道左右中宮走馬各一騎次之近衛

走馬各六騎次之馬寮五位官人一人在中路
次之下近衛以下院司以上皆同近衛官人一
人次之中宮使一人次之內藏官人次之院司
一人次之左右衛門門部各一人在路左右相
走馬左右兵衛各一人次之左右近衛各一人次
之齋女輦在中路次之輦前左右近衛各一人
松擔丁各五人輦左右前後各二人後左右松
各五人走孺夾輦左右各二人在松輦左右各

四人夾輦，在擔丁外，著紅布衣，前祭五日，院司申辨官，仰左右近衛兵執屏，繼左右各一人次衛等，府充之，府別七人。執筮各一人次之。以之相當，執翳各一人次之。執筮各一人次之。以上並著退駕馬，女左右各四人次之。相當走馬，並紅染衣，駕馬，女左右各二人次之。男從左右各一人。駕馬，童女左右各二人次之。女從同。清器，韓櫃在中路次之。今良二人，相廁人掃守，在道左右次之。相當駕馬，童女也。廁院司左右各一人次之。陪從左右各三人次之。膳物。

韓櫃三荷次之。膳部左右各二人。服物，韓櫃六荷次之。左右各三荷，相分行列也。荷內侍車次之。相當服物，櫃在中央也。男從左，女別當車次之。右八人，女從近車左右各二人。女從近車左右各一人。第二車，男從左右各三人，女從近車左右各一人。第三以下，車男從左右各二人，女從同上。童女車次之。男女從同。第比到社，西方北門前行，大夫以下下馬，列立陪從。女下車，執行障候。輦下齋女下輦，著座之後，大夫以下出去，內侍以下亦著座。門內西方，縱有五間，屋北三間，設齋女座，南二間，設內侍以下座也。

齋女及内侍自鳥居出入宣旨以爰内藏頭令

持幣置門外棚上須臾祗候次内侍以下入就

神殿座檢校供神物次齋女脱道間衣服更著

神態服入就座供祭内藏頭執幣入置瑞籬前

上棚兩段再拜退出次二宮使亦如之次氏人

并諸家使以次執幣入置下棚各兩段再拜退

出訖神部四人進執内藏幣入授物忌退出物

忌進納神殿退出神部四人各執食薦敷神殿

前退出次氏人五位以上下卑神饌机依次陳

列以東殿次神部神酒昇酒樽入立諸殿前樽立一

二殿間一樽立三四殿間與机相當訖五位已下

退出復外院座内侍以下入開饌蓋次酌酒奠

之殿別二坏一坏一宿酒退出就神殿前屏内

座北面上次大臣以下及朝使氏人就座北面東

次神馬四足走馬八足牽列神殿前近衛少將

馬寮頭前行次神主著木綿鬢就祝詞座兩段

再拜拍手，四段訖各就直會殿座。次神部散祭，次馬寮牽神馬廻社，八度訖賜頭并籠人神酒。訖退出，次近衛少將率近衛等入而東舞。次大臣喚召使，二聲召使稱唯出自南方進北向而立。大臣宣喚宮內省召使稱唯東南去，二許丈喚之二聲丞稱唯趨立。召使立處大臣宣御飯早速令賜丞稱唯差退喚膳部，二聲膳部五六人共稱唯丞仰云御飯賜膳部共稱唯大膳進以下

共起依次分頒賜之訖大膳進趨立。省丞立處申云御飯賜了于時神祇副。若無副則喚琴師名二人共稱唯次喚笛工名二人共稱唯副命琴笛相和。詞云美許止再布江安波世四人共稱唯先吹笛一成次調琴聲次歌人發聲。先神祇後雅樂次神主和舞次祐已上一人次氏人五位已上二人次六位已下二人觴三行拍手一段訖齋女還就西門內屋換衣即還頓舍如初儀外記執五位已上六

位已下見叅文進大臣大臣覽了返賜之外記
復座即以下六位以下見叅文付官史是間官掌
率使部等積祿物於案上了昇立庭中史出就
賜祿座唱氏人名賜之訖大臣以下起出馬場
令馳御馬內侍臨監但冬祭齋女不叅

大原野祭儀春二月上卯日祭之冬十一月子日祭之若子有三用中子有二子用下子

祭日平旦所司供張如常神祇官人率物忌等

裝束神殿大臣已下就外院座有神殿南垣之外有外候之殿西

向設大臣座南北相對設五位以上座幣帛使并近衛將監等同就此座未中宮職

供酒食女御內侍及女官同供給若藤原氏六

位已下次第就座著到著到之座設五位已上座西也東面北上飲食

之時亦同預立札及筆研辨官官掌設之幣帛使及內侍叅進幣帛置御

垣外棚候內侍命婦入自南方西門就座幣帛使賣

幣帛叅入奉置瑞垣前棚再拜兩段退出謂內裏并

中宮東宮幣帛次氏人并諸家使各執幣帛叅入奉置

幣棚再拜如前次神部四人進執內藏寮幣四

裹黍入令取物忌奉納於神殿退出神部更執
食薦四枚奉敷神殿前退出次氏人大夫已下
卑神饌机依次陳列以東殿為首次神部卑酒樽黍
入立諸殿前社釀酒一樽立一殿間一樽立三四殿間與机相配所司酒四缶
立中訖大夫已下退出復出就外院座次內侍
已下黍入開饌蓋次酌酒奠之殿別二坏一坏一宿
酒一坏退出就神殿前屏內座東上北面次大臣以
社釀酒下及朝使氏人入就座北面西上重行次神馬四足走

馬八足牽列神殿前近衛將監馬寮允前行次
神主著木綿鬢就祝詞座兩段再拜大臣以下
共拜讀祝詞了亦兩段再拜拍手四段訖各就
直會殿座次神部散祭次馬寮牽神馬迴社八
度訖賜官人并隴人神酒訖退出次近衛等供
東儼次大臣喚召使二聲召使稱唯出自南方
進北向而立大臣宣喚宮內省召使稱唯東南
去二許丈大喚之二聲丞稱唯趨立召使大臣

宣御飯早速令賜丞稱唯差退喚膳部二聲膳
 部五六人共稱唯丞仰云御飯賜之膳部共稱
 唯大膳屬以下共起依次分頒賜之訖大膳屬
 趨立省丞申云御飯賜了于時他氏五位以上
 入就座隨喚神祇祐若無祐則喚琴師名二人
 共稱唯次喚笛工名二人共稱唯祐命琴笛相
 和詞云美許止仁四人共稱唯先吹笛一成次
 調琴聲次歌人發聲先神祇次神主和舞次祐
布江安波世

一人次氏人五位以上二人次六位二人觴三
 行拍手一段訖內侍候院給五位已上食中宮
 又外記執五位以上六位以下見叅文進大臣
 大臣覽了返給之外記復座即六位以下見
 叅文付官吏是間官掌率使部等積祿物於案
 上昇立庭中史出就賜祿座唱氏人名賜之訖
 大臣以下赴於馬場令馳御馬內侍臨監
 園并韓神祭儀二月春日祭後丑
十一月新嘗會前丑

其日早朝神祇官率神部卜部炊女等向於神
院辨備供物掃部寮鋪設神祇官立高机於神
殿前其立机先南後北内侍就座二月戌一
刻十一月
西三次大臣就座次諸司依次就座神祇官供
神饌訖神部二人執賢木建於庭中即燃庭火
于時大臣喚召使二聲召使稱唯就版大臣問
阿誰召使稱姓名大臣宣喚治部省召使稱唯
差退喚之省丞一人稱唯就版大臣問阿誰丞

稱官姓名大臣宣率歌人叅來丞稱唯率雅樂
寮并歌人歌女等就座訖大臣喚召使二聲召
使稱唯就版大臣問阿誰召使稱姓名大臣宣
神御馬將叅共稱唯牽神馬入訖大臣喚召使
召使稱唯就版大臣問阿誰召使稱姓名大臣
宣喚大藏省召使稱唯出外門差退喚之省丞
一人稱唯就版大臣問阿誰丞稱官姓名大臣
宣賜鬘木綿丞稱唯退出即容木綿於筥相率

而入先賜神祇官人訖丞賜參議已上錄賜五位已上次史生賜諸司判官已下召使已上次藏部賜諸司史生已下歌女已上並拍手受之主典已上安藝木綿自餘凡木綿訖御巫先進再拜兩段神祇官共拜御巫微聲宣祝詞再拜如初御巫拍手兩段次神馬退出訖神祇副若無副則喚琴師名二人共稱唯次喚笛工名二人共稱唯命云琴笛相和詞云美許止仁四人共稱唯笛工先

吹笛一成次調琴聲始奏歌舞訖御神子先廻庭火供湯立舞次神部八人共舞訖移北神殿供祭其儀同南殿訖更歸南殿副喚琴師名二人共稱唯命云變調琴聲共稱唯始奏歌笛祐已上和舞次宮内丞一人次侍從二人次内舍人二人次大舍人二人舞訖辨大夫喚官掌二聲官掌稱唯就版辨大夫問阿誰官掌稱姓名辨大夫命喚宮内省官掌稱唯出外門差退喚

之_二聲錄稱唯趨入就版辨大夫問阿誰錄稱_ス
官姓名辨大夫命御飯早速令賜錄稱唯退喚_二
膳部_ラ二聲膳部五六人共稱唯錄仰云御飯賜_テ
之膳部共稱唯大膳進屬已下共起先賜神祇_二
官次大臣已下訖屬趨入就版申云御飯賜了_テ
神祇官拍手三段先後稱唯酒盃三行了拍手一段_テ
大臣已下以次退出神祇官率御巫物忌神部_二
等歌舞即調神樂於兩神殿前造酒司史生酒_一

部等候進朝神樂料酒一缶主殿寮殿部等供_ス

庭燎事了退出

平野祭儀四月十一日十一月

其日早旦所司供張如常辨大夫及外記史各

一人先參行事神祇官辨備神机四前膳部_以

膳部_為十六人昇机供之四人昇一机每神机四

度古關次相殿比前自今本神始焉次久

門外左右分跪二人執食薦入敷神殿前膳部

入而立机却廻訖炊女四人各執薦敷舞殿膳部十六人舁机四前立之每神前一前爰外記喚中務省仰侍從已上見叅事喚正親司仰王氏見叅事喚木工寮仰挿文杖事但非侍從見叅者外記率史生就祭座點之史喚諸衛府仰可制闌入之狀即令進名簿左右衛門府生各一人門部各二人火長各三人左右兵衛府生各一人兵衛各二人于時皇太子於神院東門外下馬

神祇官中臣

若無中臣者卜部傳授進以上令供

迎供神麻灌鹽

水訖入就休息舍先是進一人率執幣舍人

幣執

者在前列進次之

到神院東門曳神麻灌鹽水共到祭場

授神祇官訖皇太子出自舍進就神前座次親王以下各就座訖山人候東門外琴師率炊女等盛酒肴於八脚机而迎在門内琴師南向山人廿人用左右衛士執賢木入列立机前西面北上以次申神壽詞訖炊女四人進受賢木復本座謂門内座

于時琴歌發聲^ス炊女四人東向起舞訖以酒肴
賜山人等訖琴師炊女復本座^{謂舍內座}訖山人左
右相分立薪庭中退出大臣喚召使二聲召使
稱唯出自西方差進立舍西北角而北面^{若日曛問}
阿誰召使申姓^{名下皆效此}大臣宣喚大藏省召使稱唯南
去二許丈喚之二聲丞稱唯趨立庭中^{召使處}大
臣宣賜鬘木綿丞稱唯退出即納木綿於筥相
率而入先賜神祇官人訖轉授春官大夫大夫

轉獻皇太子拍手稱唯受而著之次丞賜參議
已上錄賜五位已上次史生賜諸司判官已下
召使已上次藏部賜諸司史生已下歌女已上
主典已上安藝木綿^{史生已下凡木綿}訖神主就祝詞座左右馬
寮御馬四足^{被二足}牽立社北頭^{向南}神別各二足
被^{一足}神主再拜皇太子以下亦再拜^{神主起拜}
同神主讀祝詞了皇太子以下亦兩段再拜拍
手四段訖神主退出次神部散祭次左右馬寮

牽御馬廻社四度允各一人前行

若無允則屬就外記申障

由外記申大氏人貢馬在其次于時皇太子還

臣以屬代之宮中臣預候門外供神麻次燃庭火於南北次

神祇副若無副則喚琴師名二人共稱唯次喚

笛工名二人共稱唯副命琴笛相和詞云美許止仁布江

安波四人共稱唯先吹笛一成次調琴聲次歌

人發聲先神祇後雅樂左右山人共起和舞次神主二人共舞次祐已上一人次侍從二人共舞次內

舍人次大舍人二人訖辨大夫喚官掌二聲官

掌稱唯趨立庭中召使立處辨大夫命喚宮內省官

掌稱唯西南去二許丈喚之二聲錄稱唯趨立

庭中官掌立處辨大夫命御飯早速令賜錄稱唯退

出喚膳部二聲膳部五六人共稱唯仰云御飯

賜之膳部共稱唯大膳進屬以下共起先賜神

祇官次親王以下訖大膳屬趨立省錄申云御

飯了諸司拍手三段先後稱唯觴三行亦拍手一段

訖外記執見叅文進大臣大臣授敕使各退出
其冬祭者迴御馬了即物忌神舞次山人和舞
諸司各以見叅文不經外記送中務省但非侍
從并外記史各一人太政官史生二人左右史
生各一人官掌一人召使二人見叅者外記史
生記錄授中務省省惣作祿法送外記外記進
大臣覽了返賜是間大藏省積祿綿於庭中中
務省以諸司見叅并祿法案送大藏省于時中

務官人執簡唱名大藏官人隨品頒賜惣祿綿
五百屯三百屯男官料二百屯女官料
松尾祭儀四月上申
前祭一日所司供張如常當日詰旦山城國司
一人率當郡司并騎兵等叅候辨史生官掌等
就行事座于時物忌并内侍已下來就東門北
掖舍座次辨已下及諸司遷就同門南掖舍座
次當中門前立案一基去門一神祇史以幣帛

許文

二畏令捧神部置案上訖祝稱宜進執幣申事
更入内殿奉之訖祝稱宜率神戶人等頒給葵
鬢祝給物忌已下稱宜給辨已下諸訖辨大夫
喚官掌司主典已上自餘神戶人給之二聲官掌稱唯趨北向立庭中辨大夫
命喚官内省官掌稱唯退出喚之二聲録稱唯
趨立官掌立處辨大夫命御飯早速令賜録稱唯退
出喚膳部二聲膳部五六人共稱唯録仰云賜
御飯共稱唯大膳進屬以下共趨分頒依次賜

之訖屬趨立省録立處申云御飯賜了諸司拍手三
段先後稱唯觴三行亦拍手一段訖各散去
賀茂祭警固儀
未日大臣昇殿奏可警固之狀即遣内豎喚六
衛府佐已上各一人若無佐已上判官亦得諸衛祭候日
華門外大臣喚内豎内豎稱唯進立大臣宣喚
候司司内豎稱唯出喚諸衛稱唯趨入列立南
階以東北面西上若夜喚之大臣問阿誰大臣
諸衛依次稱官姓名

宣欲為賀茂祀我故再如常奉固衛諸衛共稱
唯退出戌日早旦大臣奏可解陣之狀訖令內
豎喚諸衛解陣其儀如初雖無祭使
猶用此儀
賀茂祭儀四月中酉若有二酉則用
中酉有二三酉則用下酉
前祭擬禊辨官仰陰陽寮預擇吉日先禊二日
率齋院司陰陽寮及供奉諸司到鴨川占定其
地奏之前一日所司臨川供張如常其日辨大
夫史各一人史生二人官掌一人率供奉諸司

先就禊所行事左右京職率坊令兵士等迎候
時刻齋王駕車赴向其前駟次第也京職進屬
史生各一人坊令二人兵士十人左京在道左
右京在道右
下諸衛
亦同陪從左右六位二人五位二人門部各
二人兵衛各二人近衛各二人並着
當色次齋院長
官次齋王駕車從左右各十人並着
褐衣走孺左右
各二人近在齋
王車後次執物左右各四人一人大醫
一人大笠
一人捧壺一人行
障並着退紅漆衣其後陣次第也衛門火長左

右各八人其內齋院司次官以下相分左右官次
 主典史生各一人陪從三人在左判韓櫃二荷官
 官主典史生各一人陪從三人在右判韓櫃二荷
 在其間一荷清器一荷盥器以女別當車次之
 男從左右各九人並著褐今良為擔夫並著緋衣
 衣女從近車左右各二人宣旨車次之男從左
 人並著褐衣女膳部左右供膳韓櫃三荷次之
 從近車各二人各三人著蒲荀雜器韓櫃二荷衣服韓櫃二荷次之舍人
 各一左右祿物韓櫃四荷次之荷領左右各三人並
 人著退紅漆衣供膳已下以衛士為擔侍者車二兩次之兩別男從左
 丁並著挑漆衣右各四人女

從近車左藏人車二兩次之兩別男從左右各
 右各二人三人女從近車左右各二人男從左右各三人女從近車
 二人左右各二人侍者以下男從並著采女代車次之男女從女孺車次之男從
 各二人女從近同女孺官人車次之男女從先是山城
 車左右各一人同女孺國司率史生博士醫師郡司等候京東極路奉
 列齋王已到幕底臨流而禊神祇官中臣捧麻
 進授院司院司轉取付宣旨供之訖返授院司
 院司授中臣中臣受之授官主官主受之捧持

讀後詞訖饗辨官已下山城國郡司已上辨官
錄見叅付院司賜祿各有差辨大夫喚齋王幄前宣旨賜之自餘
班幔外院既而齋王迴駕祭日卯四刻奉幣使
等就內侍奏叅社之狀皇帝覽使等乘馬各有從者
訖賜祿各有差內侍已下與使等共向內藏寮
於廳事前解除以松尾社幣使付禰宜祝等郎
使等兩段再拜各就座先是掃部寮預設座主水司饌車內藏
寮供饌行酒訖使等相引到北邊路待齋王發

舍人二人左右相分領幣在前而行山城國司
率騎兵等祇兼時刻齋王駕輿而出其前駈次
第也山城國步兵左右各十人着皂綾黃衣白布帶蒲脛巾執
騎兵左右各十人着皂綾退紅漆衣白布帶橫刀弓箭熊皮行滕其
間郡司八人前頭與騎兵道引者相當並着皂綾綠布衫白布帶橫刀弓箭熊皮
行滕從者各二人史生醫師博士目各一人並着朝服橫刀韉從
各二人各二人掾一人着朝服橫刀韉乘唐鞍從六人春官走馬左右各
一足中官走馬各一足馬寮走馬各五足次之

中路少後春宮亮從左右各三人中宮亮馬寮頭並從同上

近衛少將一人隨身近衛左右各一人從各三人內藏頭次之

從左右各三人中宮藏人一人男從左右各四人女從近馬各二人藏人

一人命婦一人並從同上內侍一人次之從並同下

齋院長官次之從左右各三人左右少後門部二人兵

衛近衛各一人次之並著青摺衫下同齋王輿在中路

次之輿前後駕輿丁各廿人網內左右各一人網外九人並著緋

布衣白布帶輿長各六人在網外輿丁之外障以三布帶

布帶左右少後近衛兵衛各一人次之其內執屏

織左右各一人執翳各一人執笠各一人執壺

各一人次之並著緋衣白布帶乳母左右各一人男從馬副

各三人女從藏人左右各四人男女從同乳母女孺左

右各三人男從馬副各二人女從近馬各一人童女左右各二人

男女從同女孺中路少後腰輿次之駕輿丁四人擔之

服色同上火長左右各十人前頭與腰輿丁在後者相當行列相去一許丈

其內齋院次官判官夾腰輿各一人與火長齊首若次官

五位者進_テ主典史生並左右各一人陪從左右

列_ス長官前_ニ各三人次之其間清器韓櫃一荷與史生相當盃器

韓櫃一荷與陪從相當並以今良為擔丁着緋布衣陪從之後馬寮

屬左右各一人馬醫左右各一人史生左右各

一人次之中路少後宣旨車次之男從左右各八人女從近

車左右各二人供膳韓櫃三荷次之膳部相夾左右各

三人並着蒲萄浣布衣衣服韓櫃左右各二荷荷領左右

一人祿物韓櫃左右三荷次之荷領左右各二

人並在韓櫃外中路少後侍者車二兩並男從左右六

人女從近車采女車一兩男從左右各二人女從近車左右各一人

司人車一兩以居飼一人為御車者齋王先詣下社暫留

社頭幄脫御衣裳更著清服キヨキヌ即駕腰輿入社停駕

輿丁令輿長代之上社儀亦効此其前陣次第也騎兵左右各

五人國司在其間內藏寮幣帛次之少後舍人

史生左右各一人中宮幣帛次之少後舍人史

生左右各一人春宮幣帛次之少後舍人史生

左右各一人齋院幣帛次之舍人一人隨之少
後宮主一人在左史生一人在右少後走馬左
右各六足近衛內藏頭近衛少將馬寮頭中宮
亮春宮亮次之少後兵衛左右各一人少後齋
院長官在中次之少後藏人命婦內侍各一人
在左闈司藏人內侍代各一人在右少後齋院
宣旨一人執劔在中次之少後乳母執翳左右
各一人次之腰輿在中路其前後輿長左右各

六人相列相夾內外各三人女孺一人執行障
在腰輿近前藏人二人夾女孺相對而在松內
藏人左右各一人在松外童女左右各一人次
之陪從左右各三人在輿外其前頭及後列並
相當其在中者執笠女孺二人雙立在松內在
與下執行障女孺相當行障女孺在走孺六人雙立在松後其後陣次第也
齋院次官一人在左判官一人在右主典各一
人隨之在女孺少後左右若次近衛兵衛門部
官五位者進列長官前

式云
月次祭六月三日
神嘗祭云

左右一人次之前頭與主典相當在其外未到社十許丈齋
王下腰輿步行以兩面布道就社前左殿座其內藏
寮幣到社中門史生二人相代舍人捧持入社
使就座壽詞了後付禰宜祝退出訖齋王還幄
此時少將馬寮頭向馬場令走御馬訖還府也
上社次第行事如此前但齋王就社前右殿座
六月十一日神今食儀十二月准此
前祭三日中務省差定可供奉內舍人前一日

早朝輔丞錄各一人率史生省掌等就神祇官
南舍座掃部寮點檢次侍從以上就中小齋十
人親王一人納言已上一人參議一人若納言
已上不下食者定參議二人少納言辨中務
官內兩省少輔各一人次侍從以上三人
若參議已上不足二人者定侍從四人于時
錄執札唱計諸大夫隨即稱唯訖錄執親王封
名就廳卜之中務預親王三四人名密封卜之
定乙合以上令省掌告中卜食者其
參議以上及外記名簿各一
枚太政官召神祇官賜之還本座次輔率諸
大夫就同廳卜大臣以下若有不卜食
者差替之訖各退

出若有穢障者立官當日平旦主殿寮供浴湯

辰刻輔若丞一人執小齋次侍從以上名簿付

內侍奏之月次祭畢神祇副祐各一人用中臣

率宮主及長上卜部向宮內省卜定可供小齋

六位已下其儀副祐先進就廳座向東次宮主以

下就座南面座定神祇官掌捧版庭中其兆人

參集南門命婦以下就東舍座次中務丞錄各

一人宮內丞錄各一人就西舍座中務北上宮

面史生各座定二省省掌共捧版各當丞前置

之訖縫殿寮屬進就版可供奉小齋內侍以下

名簿進中務省其詞云兆人女刀禰乃名簿進

止申錄讀申即丞錄押署訖錄立出南門執簿

率文武官人就宮內省版申云兆人乃名簿進

止申丞命云進之共稱唯轉取最下人物取進

錄讀申訖丞云縱諸司共稱唯退出于時宮內

錄就神祇版申云宮內省申久司司乃兆人乃

名簿進畢止申副命云八社男八社女御膳司
并色色人等次第令テ泰進宣錄稱唯復座即告
丞丞命云令喚省掌錄稱唯即喚史生名一聲
史生稱唯錄命云喚省掌史生稱唯喚省掌二
聲省掌稱唯進就版丞命云八社男八社女御
膳司并色色人等次第令泰進省掌稱唯退出
仰八社男以下依次令泰進先八社男次八社女次典膳以下次
中務省丞訖宮主起座西面跪申云立御兆竹
錄内舍人

副云立之稱唯進於卜部前前別折立即申立
畢狀還就本座卜食人等列就版副命云兆竹
折箸事被清供奉共稱唯退出其八女及女官
廳上東壁下共西面丞令退出事了散去神祇
官泰神今食院謂中内膳造酒主水等司受備
供御物泰祭所供奉神祇官受取大膳木工大
炊等職寮所進供神物擇神部卜部等堪事者
二人令辨供戌一刻十二月用乘輿御神今食
酉一刻

院駕興丁八人主殿寮預設浴湯供之神祇官
用十食者也
 中臣忌部引御巫供奉大殿祭近衛開門大舍
 人ヨウミカトニ叫門闈司問阿誰大舍人答云御疊泰入止
 官姓名謂親王以下御門候闈司進就版奏云
參議已上
 御疊泰入止官姓名叫門故再申敕曰泰入闈
 司稱唯傳宣云姓名等泰入中務率内舍人及
 大舍人供奉御疊事親王以下次侍從左右近
 衛少將已上各一人相副掃部寮允以上女孺

等神殿鋪御疊訖退出閉門主殿寮供御寢具
 掃部寮賜女官疊於寢内十二月、縫殿寮膳伴
 造鑽燈即炊御飯安曇宿禰吹火内膳司率諸
 氏伴部及采女等各供其職料理御膳雜物爰
 一刻薦御膳其行立次第最前膳伴造一人執炬
 火以盆懸臂次采女朝臣二人左右次官主一
兼其灰爐
 人着木綿鬘及次水取連一人執海老次水部
禳執竹杖
 一人執多志次典水二人一人執刀子、篋次采

女八人並執供神并次內膳司高橋朝臣一人
執饗次安曇宿禰一人執海藻次膳部六人並
汁漬供神并次酒部四人執御酒案神祇祐以上一人
史一人與宮內丞錄相雙立於屏內檢察御膳
次第四刻撤御膳內膳主水官人各一人進申
云夕御物平供宮內丞命云縱寅一刻供曉膳
其次第如初四刻撤御膳近衛開門大舍人叫
門闈司奏云御豐撤止官姓名叫門故再申敕

曰奉入闈司稱唯傳宣即隨參入撤御豐卯一
刻換御服還御本宮訖祭大殿訖辨大夫率小
齋人等到宮內省就解齋座座定辨大夫喚官
掌二聲官掌稱唯趨立庭中辨大夫命云喚官
內省官掌稱唯趨出喚之錄稱唯趨立辨大夫
命云御飯早速賜錄稱唯趨出喚之膳部五六
人共稱唯錄仰云賜御飯膳部共稱唯大膳進
屬以下共起先賜神祇官次分頒賜辨大夫以

下訖屬趨立申云御飯賜了諸司共拍手三段
先後稱唯酒盞三行亦拍手一段各了依次散去

大殿祭儀

神祇官以筥四合一合納玉一合納切木綿一合納米一合納酒瓶居

八足案二脚令神部四人昇之中臣忌部官人

官主史生神部等著木綿髮襪左右相分前行御巫

列於案後至延政門外置案於簀子上掃部寮預設之

大舍人叫門如常闡司奏云大殿保賀比能事申賜

年止 宮内省官姓名叫門故再申敕曰令申闡司

傳宣云姓名乎令申宮内省進就版奏云大殿

保賀供奉止神祇官姓名候止申敕曰喚之宮

内省稱唯還出喚神祇官稱唯中臣忌部官人

著木綿鬘忌部更加木綿襪立案前直進仁壽殿先是

御巫等入自宣陽門候於内裏隨案共入至殿

東簀子敷上御巫等執筥中臣忌部御巫等以

次入仁壽殿御巫一人進紫宸殿散忌部執玉

懸殿四角次御巫等散米酒切木綿於殿内四
角退出中臣候仁壽殿南忌部向巽微聲讀祝
詞訖至於浴殿懸玉於四角次懸廁殿四角御
巫等散米酒如初自陰明門退出次宮主引神
部至炊殿懸木綿散米酒訖於神祇官賜祿但
御巫料送内侍司令賜神今食大嘗會等祭前
後必有此祭但祭前者
不奏聞亦
無賜祿

儀式卷第

儀式卷第二面北土

踐祚大嘗祭儀上面北土

天皇即位之年七月以前即位當年行事八月
以後明年行事謂受讓即位非

謂諒闇大臣奉敕召神祇官密封令卜定悠紀

主基國郡奏畫訖即下知其國官符在別卷下
同凡送諸國官

符并牒事急者附驛傳次以大中納言二人參

議一人為悠紀主基兩所檢校行事四位各一

人五位三人辨在此中凡直於會所諸大夫不
責雜役并國忌不奏預諸節會

諸司判官已上四人

史在此中主典已下五人左右史生

各一人在此中其判官已上奏聞主典已下申大臣其諸所等奏申亦同

官掌一人

使部直丁各一人次檢校納言已下召神祇官

令卜悠紀主基行事所并小忌院等卜訖行事

史申大臣奏訖即仰陰陽寮擇吉日著之先是權取

便所為即應借行鋪設宣旨下宮内省宣旨在下

皆其設座檢校西面北上行事四位已下南面

東上主典東面北上諸所預并國司北面東上

國司帶三位及參議設茵四位五位同席六位亦絕席在末

才伎長上諸司

史生等在四位五位後北面東上其座兩所共

同其始行事日時令陰陽寮定之次可進翻舊

宣旨下中務民部兩省次可充叔韓櫃并合狀

下大藏省凡注物數者次可進紙筆墨狀下中

務省可進硯十枚狀下宮内省次可整給行事

以下百度狀下所司但其代令當國填之次奏

聞可請正稅稻一万束卜食郡調庸并雜物之

狀凡會所請借雜物奏正稅緇并絹布綿錢米
上等類行事并國司五位以上署名自餘輕微
之物不署直奏即下知兩國次奏聞可兩所用印之狀
仰大學寮令進字樣召内匠寮以木彫作其文
曰悠紀所印主基所印並用小篆字即用印之
狀下知五畿内七道諸國次應行多每物之狀
下符兩國次可買進甕狀下知左右京職次仰
左右京令進估價帳并價長等名簿次依檢校
宣仰中務省令進大舍人四人仰式部省令進

諸司史生十人散位位子等卅人仰民部省令
進ヌキテノヨロ拔出丁四人次錄請火長四人衛士八人之
狀辨大夫付内侍奏聞訖喚所司仰之次定所
所預出納所五位二人六位已下六人齋場預
五位五人六位以下八人隸標并倉代小忌所五位
四人六位以下六人細工所隸畫并繡所五位三人
六位以下八人女工所五位二人六位以下四
人樂所五位四人六位以下八人風俗樂所五

位二人六位以下二人和舞所五位二人六位
以下二人大炊所隸人給所六位以下六人用諸司主典以下
下其食法行事主典已上日白米一升五合史
生大舍人官掌使部國書生一升二合火長仕
丁黑米八合所所判官代已上日白米一升五
合主典代膳部國書生一升二合雜工二升其
從者行事五位已上三人判官主典代二人所
所五位已上二人人別赤米八合所所判官主

典代一人人別黑米八合爲令繡御帳帷并御
鏡緒等請内豎并左右近衛兵衛等奏進於内
裏次進請左右近衛府樂人并雅樂寮歌女等
奏次牒送借諸寺樂人樂器之狀次應行會料
正稅之狀下知諸國次應運進會所雜物之狀
下知諸國次應卜定齋場之狀牒送山城國至
於其日檢校以下率神祇官到北野卜定其地
其儀神祇官悠紀主基兩國司并山城國郡司

等就荒見河陳置被物各五色薄絶各一尺木
綿二斤米二升酒一斗薄鯪堅魚海藻各一連
食薦二枚干拍六把並國辨備訖行事以下雜
色人以上共就被場悠紀在上大被悠紀先發
基訖各就幄下卜定齋場悠紀在東主基在西
中執其塊將歸卜之其料物各酒一斗米四升木綿麻各
一斤鯪堅魚海藻各一連腊一斤卜訖立標四
角立賢木方四十八丈為限即令山城國葛野

愛宕兩郡司守之次卜定採大掌官材木萱并
御琴料材拍等山野即下知卜食國次應交易
雜物之狀牒送諸國畢次卜定小忌院訖官主
卜部率行事并小忌官人以下鎮小忌院其料
各五色薄絶各一尺倭文一尺木綿麻各一斤
綿二屯商布四段鋏五口米五升酒一斗薄鯪
海藻各一斤拍六把卜部軾料調布二端並以
國物備之次卜定御井所方一丈二尺若當處
舊井卜食者即使修

之理_用

次定所所屋

若當所舊屋不足者權作新屋

次鎮調備供

御并小忌食之院其料各五色薄紗各一尺倭

文一尺木綿麻各一斤綿二屯高布四段鍬五

口米五升酒一斗薄饅海藻各一連下部軾料

布二端

並用國物

次卜定諸所

謂出納細工等所

次內侍就

女工所行事次可下大殿御衾并雜物符下大

藏宮內等省次齋場預官人等點定齋場內外

院服院并雜殿地

外院方四十丈內院十二丈其內院悠紀在外

儀三五

院西主基在外院東服院在兩內院中間南去五許丈

始構造齋場雜屋

其外院南門北卅許丈橫七間廳一字

西北戶長五丈

六尺廣一丈六尺

其北一許丈橫七間酒屋一

字西南戶長五丈六尺廣

其東橫五間人給屋

一字

東三間為室西側戶其庇亦隔壁西戶其

南縱七間料理屋一字

西戶長五丈六尺西面有庇與人

給屋西

其南縱九間倉代屋一字

長七丈四尺

其南縱九間倉代屋一字

長一丈六尺

其東

東西二

其南縱九間倉代屋一字

長廣庇並同上

面有庇

縱九間倉代屋一字長廣同上東門北掖北去十三

許丈縱五間官人宿屋一字長四丈廣一丈南六尺東西有庇

掖南去十四許丈橫五間屋一字西二間為稻實公宿所南

戶東三間為物部男宿所南其南橫五間屋一

戶長三丈五尺廣一丈四尺其南橫五間屋一

字西二間為造酒童女宿所東三間酒屋以西

橫七間大炊屋一字南北有庇長五丈六尺其南四

許丈少西縱七間納雜物屋一字西東戶東面有庇長五丈六尺

東西戶東面有庇其南縱七間納拔穗御稻屋一字西東

戶東面有庇西門北掖有大多采院東門院門北

長廣並同上掖橫三間酒屋一字南戶長二丈四尺廣南掖

橫三間麴室一字東側戶長廣同酒屋兩屋西頭縱三間

大炊屋一字東戶長廣同西門南掖造標屋一字

廣方四丈高三丈其南橫五間屋一字東三間為驛使

八尺四面有庇宿所西二間為稱宜卜部宿所並其南橫五間

南戶長三丈五尺廣一丈四尺其南橫五間

屋一字東二間為神服女宿所並南戶長廣同上為御井

在院外東北角荒見川東童女并在其東八月
 上旬卜定大祓使發遣左右京一人五畿内一人
 旬別卜更復發遣左右京一人五畿内一人訖發
 遣奉天神地祇幣使大神宮諸王五位已上一人
 山城大和攝津各一人河内和泉一人次差官
 七道各一人中臣齋部二氏相半差之
 内省史生遣五箇國監作供神雜器河内和泉
 尾張參河兩國一人備前國一人到國先後其料
 人先是所司預注雜器數申官
 各木綿麻各六斤十兩鋏四口熊皮二張已上官物

采酒魚藻之類國司辨之即奉五色幣各一文
 然後始作河内國十合大手洗盆十八
 十六口湯盆十六口小盤十六口片盤二十八
 口高盤百二十口鹽坏十六口粥盤八口前下
 大盤五十六口酒盞八口盞二十口多加須伎
 八十口比良須伎八十口比良加三十口和泉
 國蘭筥九口池由加一口由加十口鉢一口燈
 坏六口燈盤六口油瓶二口匣八口盆十口短
 甕八口缶五十口管坏卅口匣八口盆十口短
 女坏卅口酒瓶八口高盤卅口匣八口盆十口短
 白八口飾匣八口高盤卅口匣八口盆十口短
 十二口酒盞十二口酒壺八口參河國等呂須
 伎卅口都婆波卅口酒壺八口參河國等呂須
 坏各六十口已豆伎匣各六十口酒盞十二口

備前國 魁卅口 水瓮卅口 都婆波六十口 岳卅口
 口置 盜卅口 蓋十二口 酒壑卅口 匝卅口 菅瓶
 卅口 短女坏卅口 山坏卅口 片盤卅口 酒次神
 蓋卅口 小埤卅口 陶白卅口 巳豆伎卅口
 祇官卜定 拔穗使申官發遣 稻實卜部一人 稱宜卜部一人 到
 國率國司於齋郡大祓 齋郡司并百 姓亦預焉 其料各馬
 一疋 太刀一口 弓一張 鹿皮一枚 庸布一段 木
 綿一斤 堅魚鰓 海藻滑 海藻各四斤 米酒各四
 斗 鹽四升 已上當 郡輸之 刀子一口 箭一隻 鋏一口 麻
 一斤 稻一束 已上當 郡仰之 諸 軾料 商布 四段 國 輸

被畢賜直會酒肴次使與國司共卜定稻實殿
 地即以木綿繫賢木立地四角次卜定御田六
 段 田稱大田稻 即使及國司向御田以木綿繫
 賢木立田四角令夫四人守之次卜定物部人
 十五人 男六人 女九人 造酒童女一人 以當郡大少領 女未嫁卜食充
乏神詔佐 稻實公一人 大酒波 一人 大多米酒
 可都古 波一人 粉走二人 相作四人 燒灰一人 採薪四
 人 歌人廿人 歌女廿人 並不下 次賜使明衣

料絹二疋綿八屯布二端人別絹一疋綿四屯布一端用國物次鎮稻實殿地其料各五色薄絕各五尺倭文五尺木綿麻各三斤鋏二口斧鎌各二柄已上官所充庸布二段綿二屯絲二約軋料絹二疋米酒各一斗堅魚鰓各一連海藻一斤稻四束已上用國物鎮畢使執齋鉏鎌艾除草木始掘柱穴其院方十六丈以柴為垣高四尺以楮結之四第門在東方編葦楮為扉高八尺廣一丈院四角植賢木其內構作雜殿

入門二許丈縱三間使政所屋一字長二丈四尺廣一丈其北橫五間拔穗使宿屋一字南戶長二丈四尺廣一丈二尺東三間為稻實下部宿所西二間為禰宜下部宿所其西橫五間屋一字南戶長廣同上東三間為物部造酒童女宿屋一字南戶長二丈廣一丈二尺其南少西縱八間八神殿東戶長二丈四尺廣七尺八寸柱高八尺與使政所屋相對其南少東高萱御倉一字北戶方一丈其東橫三間稻實殿一字北戶長二丈四尺廣一丈二尺其東橫三間物部女

等宿屋一宇北戸長其制也八神殿者為片廂

葦以青草內安竹棚高四尺其上敷席為神座部

廻以葦開東戶懸葦簾高萱御倉者葦部以青

草開北戶以葦為扉內作竹棚其上敷薦以安

御稻稻實殿者葦部以青草戶亦用草使宿屋

者葦以青草部之以葦開南戶使政所屋者葦

部同宿屋開東戶造酒童女宿屋者葦部以青

草開南戶以葦為扉稻實公物部男宿屋葦部

以青草開南戶以葦為扉物部女宿屋葦部以

青草開北戶以葦為扉並以黑木構作倒葦サカサニ九

月上旬神祇官差神服社神主一人為神服使

申官賜驛鈴一口遣參河國喚集神戶卜定織

神服長二人織女六人工手二人上次請田舞內

舍人六人內豎六人大歌生二人彈琴一人笛

工一人御琴一面之狀奏聞次左右衛門府申

官令兵庫察作大葺宮南北門神楯四枚各長一丈

二尺上，廣三尺九寸中，廣四尺七寸下，廣四尺四寸五分厚二寸丹波國楯縫氏作之。八竿，各長一丈八尺，紀伊國忌部大門料大楯。八竿，上氏作之，並祭畢，收衛門府。

六枚戟十二竿亦令同寮修理。又左右衛門府

申官令諸國量程進物部門部語部等。物部者左右京

各廿人門部者左右各二人山城國三人大和國八人伊勢國二人紀伊國一人語部者美乃

國八人丹波國一人丹後國二人但馬國七次人因幡國三人出雲國四人淡路國二人

神祇官差卜部三人申官差遣紀伊淡路阿波

等國監作由加物各到國先大夜其料各馬一

疋太刀一口弓一張箭廿隻鋏一口鹿皮一張

庸布一段木綿八兩麻一斤鰻堅魚海藻滑海

藻各二斤鹽二升米酒各二斗。已上當郡所輸馬一疋

太刀一口弓一張箭廿隻釜一口鹿皮一張庸

布一段木綿麻各一斤堅魚鰻各四斤海藻滑

海藻各二斤米酒各四斗鹽四升。已上阿波國麻殖那賀兩

郡所輸其供神幣物并作具及潛女衣料。一丈四尺

並用官物但糧以當國正稅給之。二人別日伊

七日阿波十日其物造了卜部監送齋場分付兩國但
 阿波國所獻鹿布木綿付神祇官紀伊國薄鯪
 四連生鯪生螺各六籠都志毛古毛各六籠螺
 貝燒鹽十顆並令賀多潛女十人量程採備其
 幣各五色薄絶各一尺倭文一尺木綿麻各五
 兩葉薦一枚潛女所須鑿十具刀子二枚淡路
 國瓷廿口各受一斗五升比良加一百口各受一斗埤二百
 口各受一斗其幣各五色薄絶各三尺倭文三尺木

綿麻各一斤葉薦一枚作具鑿斧小斧各二具
 鎌二柄造訖使當國オホシラモ凡直氏一人著木綿鬘執
 賢木引道阿波國鹿布一端木綿六斤年魚十
 五缶蒜荳根合漬十五缶乾羊蹄躑鴟ホシシラクサイモ橘タチバナ子各
 十五籠已上忌部所作鯪卅五編鯪シタハミ鯪十五埤細螺棘
 甲羸石ニカキ華等并廿埤已上那賀潛女十人所作其幣各五色
 薄絶各六尺倭文六尺木綿麻各二斤葉薦一
 枚作具鑿斧小斧各四具鎌四柄鑿十二具刀

子四枚鉋二枚火鑽三枚並令忌部及潛女等
量程造備其三國造由加物使向京之日路次
國掃路祇美九月中旬任御禊裝束司長官一
人次官一人判官二人主典二人即可給百度
之宣旨下宮内省次可請紙筆墨硯雜器等之
狀修解申大臣次大臣仰神祇官及陰陽寮卜
定御禊地并日時奏之訖長官以下率陰陽寮
就所占方河頭擇廣邈地而點定次喚文武諸

司勘申可陪從之人數并裝束雜物是月拔穗
使在國率國郡司物部人擔夫三百人就水湄
而解除訖至御田拔取御稻造酒童女先之稻
實公次之酒波次之物部男女次之擔夫次之
惣拔得御稻若干束以四把乾之齋院就中以
先拔四束別納高萱御倉會日稻實公自餘為
白黑二酒料次使率物部人始入齋殿次祭八
神御歲高御魂庭高日御倉神大其料各座別

五色薄絕各一尺絹四尺倭文一尺木綿一兩
絲一約綿一屯布一段鍬一口稻一束米酒各
四升鰾堅魚海藻各二斤腊鹽各二升並用國物
以韓櫃七合各長二尺六寸廣一尺二寸實御稻十四
東合別一合為荷裹之以薦居宮形尺四寸籠
若干合數隨稻多少籠口徑各合別實御稻一
東二合為荷荷別有四脚以木綿賢木挿籠上
亦一夫擔之以若是子弟迴立於內及蓋等訖

閑齋場門上道向都其行列健兒四人各執白
木左右列立後陣健兒亦同子弟四人執著木綿賢木
後陣子弟亦同次之稱且卜部當途而列稻實公著木
綿鬢次之御稻韓櫃并籠次之每十荷子弟一人執白木領之
物部男五人次之當郡鋪設當途而列冊枚席
長薦各七十枚實五十枚子弟四人健兒四人次之造酒童
女駕輿當途四人人物部女九人次之書生一人
次之郡司次之國司次之已上乘私馬稻實卜部次

之下旬至京齋場官人并國司持麻并鹽湯迎
南門灑御稻并雜物訖納院外權屋預先作備次賜
明衣造酒童女布二端綿一屯六兩酒波女二
人布一端三丈人別三丈六尺次鎮稻實殿地其料各
五色薄絕各一尺倭文一尺木綿麻各一斤綿
二屯商布四段鍬二口米四升酒一斗薄鯪海
藻各一連雜菓子四升凡料布二端並用國物鎮畢
造酒童女先執齋鉏掃地并掘院垣四角柱穴

先良次巽次次稻實卜部率造酒童女國郡司
乾役夫終之各一人物部男六人子弟五人工十人夫等為
採内院料材向卜食山前二日預申行事所即祭山神其
料各五色薄絕各一尺倭文一尺木綿麻各一
斤鍬二口米五斗酒一缶鯪堅魚各二連雜魚
腊一籠海藻二連鹽一升雜菓子一斗稻二束
軾料絕一疋布一端綿二屯祭畢造酒童女先
執齋斧伐樹工匠次之役夫次之訖歸來自後

遣工并夫等伐運次始堀備小忌食院凡酒甕
 穴并始釀酒次於同院大板其料各五色薄純
 各二尺木綿麻各二斤酒米各一斗薄鯪堅魚
 各一連海藻二連歛二口軾料布二端並用國物次
 始作内院雜殿造酒童女執齋鉏堀稻實殿四
 角柱穴物部次之役夫終之其東門南掖縱八
 間神座殿一字長二丈四尺廣七尺八寸柱高七尺西面有庇北掖高
 萱片葺御倉一字徑八尺高九尺其西橫三間稻實殿

一字南戶長二丈四尺廣一丈二尺柱高八尺其南縱三間倉代殿
 一字其南縱三間御贄殿一字並西戶長二丈四尺廣一丈二尺柱高七尺
 其南橫三間鋪設殿一字西側戶與稻實殿相對長七尺
 稻實殿西橫三間黑酒殿一字其西橫三
 同廣亦廣亦間白酒殿一字並南戶其南縱三間麴室屋一字
 其南縱三間大炊屋一字並東戶其南橫三間白
 殿一字東側戶長廣並同稻實殿其制也神坐殿者構以黑
 木用萱倒葺内構椽棚敷席其上更亦敷絕高

萱御倉者以四枝黑木爲柱用萱片葺薦爲壁
代內構楮棚尺高四御稻四束盛韓櫃美塵庸布
五端白櫃四合安於棚上御贄殿者構以黑木
用萱葺之以柴部之編板爲扉稻實殿亦如之
黑酒殿者構以黑木葺部用萱薦爲壁代白酒
殿者構以白木自餘同黑酒殿其倉代大炊麴
室白鋪設等殿並同御贄殿次國司率禰宜造
酒童女及當郡司役夫等向卜食野即祭野神

其料各五色薄絕各一尺倭文一尺木綿一斤
米酒各一斗鍬一口堅魚海藻各一連祭畢造
酒童女先執齋鎌艾之役夫等終之訖歸來自
後令役夫艾運十月上旬裝束司喚式部民部
二省令進諸司史生并拔出仕丁二人次可行
幸其地之狀下符京職及山城國又仰可掃道
路并禊處之狀次任前後次第司御前長官一
人次官一人判官二人主典二人御後長官一

御禊
式云凡天皇十月下旬
臨幸川上爲禊

人次官一人判官二人主典二人次裝束司判
官主典各一人率國郡司定輦路次次第司長
官以下率京職官人及國郡司檢察道橋并禊
處次諸衛府青摺衣并左右馬寮騎士居飼等
裝束及左右衛門門部數文武官留守等事申
大臣行之次賑給使左右京各亮一人進一人
屬一人其料物庸綿百屯錢六貫文用大藏物即使
就大藏省受之次喚大藏木工等省寮點示幄

幕之處先禊一日次官以下主典已上向禊處
供張幄幕其御禊座雙立五丈緝幄二字中置
百子帳第一第二柱去之三丈懸緝布垣代其
門内外屏懸斑幔去之四丈立五丈幄為皇太
子禊處去之二丈立五丈幄為神祇官候處去
之三丈立五丈幄為置御輦之處方面各其御
膳座去禊處五十丈雙立五丈斑幕二字中置
輕幄幄中東南邊立皇太子倚子去之三丈立

七丈幄爲親王以下侍從已上候處去之十丈
立五丈幄爲内膳司候處其前設輕幄爲進物
所又去御幄二丈立七丈幄二宇爲女御女孺
以上候處去之四丈立七丈幄爲皇太子休息
處其大垣以緋布幔爲之三面開門一面臨流
去大垣三丈立五丈幄爲大膳職候處去之四
丈立五丈幄爲太政官候處自餘諸幕本司設
之是日次第司判官主典率主禮等立鹵簿標

騎陣連行相去之間一丈五尺步陣七尺即到
禊所亦立標自後方大門右掖而右去四許丈
立節旗標後去一丈五尺立大臣標去之一丈
五尺立少納言標去之五許尺立外記標二左右
相去各一丈五尺自少納言標去之一丈五尺立鉦標
去之一丈立鼓標自鉦鼓兩標間左右相去各
一丈立兵庫寮標二自鼓標去之一丈更右折
二丈立御前次第司長官標其後去之六尺立

次官標去之六尺立判官標去之六尺立主典
標去之一丈立主禮標自第旗標右去四許丈
立左兵衛陣留標右去四許丈立左衛門陣留
標右去十許丈立諸司留標自左衛門陣標後
相去十許丈立大臣下馬標去之廿許丈立諸
司下馬標一左右各一丈高三許尺下同自左衛門陣標右
去四許丈立右兵衛留標右去四許丈立右衛
門留標其後廿許丈立諸司下馬標其日平旦

神祇官奉路次神幣其料座別五色薄純各一
尺純五尺小所三尺絲一絢綿一屯木綿二兩麻五
兩裹薦及擔夫准幣多少建禮門前南去十餘
丈立第旗標南去一丈立大臣標去之一丈立
少納言標去之五尺立外記標二左右相去各一丈自
少納言標去之一丈立鉦標去之一丈立鼓標
自鉦鼓兩標間左右相去一丈立兵庫寮標二
自少納言標左右相去各二丈立前後次第司

長官標去之一丈立次官標去之一丈立判官
主典標去之一丈五尺立主禮標御前司在左
御後司在右
訖次第司會集官城門外檢校行立標次扈從
五位已上及諸司諸衛各就標下次第司判官
主典率主禮等至諸司標下令省掌二人左右
相分唱計陪從六位以下官五位已上及衛府
官人等不在唱限
時刻擊動鼓隔刻擊列陣鼓隔刻擊進鼓訖第
旗漸出就宮城門外操子時乘輿初出警蹕如

常其前駈次第也京職兵士左右各廿人在京左
在京右次市司官人左右各二人東西各二人
左右同上次神祇官左
京職官人左右各六人五位各一人
在此中右各卜部一人神部一人官掌一人長上一人
官人三人執幣丁一人在其間與卜部
平頭次主禮
左右各一人以諸司史
生為之次第司判官一人在其
間與主禮平頭從近馬
左右各一人下同次彈正忠疏在左
巡察在右次
兵部省次主稅察次主計察次民部省次治部

省次散位寮次大學寮次式部省次官史已上相夾

在道左右其人數隨時次隼人司左右各步陣增減下不注數者亦同

五人騎陣二人大衣一人官人一人次次第司

主典一人在道中央從二人次主禮左右各一人

次第司次官一人在中與主禮平頭次左衛門府左

右各衛士百人門部卅人其間府生醫師志尉

佐纛鉦鼓次之督次之內器仗次之次左右主

器仗者與內器仗平頭衛府佐已上副馬次之持親王

已下參議已上叢笠者次之主禮左右各一人

次第司判官一人從二人在其間次左右馬寮儲

馬ウマ左右各四疋馬部各二人騎士各二人史生

各二人馬醫各一人次之次左兵衛府左右各

兵衛卅人其間府生醫師志尉佐纛鉦鼓次之

督次之主禮左右各一人次第司主典一人從二人

人在其間主禮左右各一人次第司長官一人

從二人在其間次陰陽寮左右各三人陰陽師漏刻博士在

此漏刻器在其間次鼓吹司左右各長上一人
官人一人節旗在其間鉦鼓次之少納言一人
次之從四人大臣一人次之從八人執物少少後
外記左右各一人侍醫各一人次之中務省左
右各內舍人十五人丞一人侍從十四人次之
左右馬寮左右各六人屬已上下右威儀御馬一
疋在其間近馬左右各騎士五人右兵衛一人
左威儀御馬一疋次之騎士左兵衛一人次內記左右
衛並同上

各一人典鑰各一人主鈴各一人次之負鑰馬
在其間近馬令左右近衛各一人負鈴馬次之近衛
相夾亦少納言一人次之其次東宮前駟亮在
左學士在右侍從二人次之四位為之左右東
官少後在中執物者左右各若干人從之次御
劔櫃在中近櫃令左右近衛各二人前諳風土
者左右各一人參議以上親王以下左右相分
在中左右近衛府左右各騎陣廿五人步陣卅

人在騎陣內少將各一人大將各一人左右相
分在步陣內乘輿次之中將各一人少將各一
人左右相分在乘輿後輿前兩網駕丁各六人
擊之輿長左近衛各一人在其外其兩網駕丁
各十人左近衛丁十人大舍人左右各一人次
之當第左近衛左右各一人次之當第大舍人
左右各一人次之當第左兵衛左右各一人次
之當第大舍人左右各一人次之當第並在網

外輿後衛府及大舍其後陣執織者二人次之
左右相夾在綱末左右近衛府左右各騎陣十一人步
陣十人次之主水捧漿左右各一人在步後
東豎子左右各一人在中路與執內侍左右各
一人次之女藏人各四人次之內藏管持各一
人次之左右近衛府左右各騎陣十人步陣十
人腰輿在其間管蓋紫蓋次之輿左右執翳者
各二人近輿次男藏人左右各三人次主殿寮

允已上左右各一人次之與紫蓋腰輿雨草人

給蓑笠分在道左右雨草在右覆管御前斑幔

在其內覆管在右小幔風爐在其內小幔在右

內藏御擲机在雨草之後次掃部寮官人左右

各一人與騎陣胡床水搏分在道左右胡床當

水搏當御茵松明在其內御茵在右篋輕幄在

其內篋在右輕帷在左主殿炭櫃造酒御酒分在道左

右炭櫃當於胡床次獻物所櫃左右各一合在

中路次膳部酒部分在道左右膳部當於炭櫃

次執物內豎左右各十人次左右近衛少將已

上副馬左右各四足次檢校女孺左右各一人

次女孺左右各三人次采女左右各八人次御

廁人カハヤト左右各一人次洗人左右各一人次檢校

女左右各一人次圖書和琴御硯次之和琴在

在左次春宮坊官人主藏官人左右各一人坊官

在左主藏坊儲管儲漿在其兩間儲管在左坊藏人

左右各一人坊，兩裝殿守在其兩間。殿守在左，兩裝在右。主殿主膳等官人各一人分在道左右。主殿在左，主膳在右。女孺采女次之內藏儲錢次之同寮，御韓櫃各四合次之官人各一人次之藏人所，御韓櫃次之出納次之雜色次之縫殿，御韓櫃各六合次之官人各一人次之圖書馱餉次之右兵衛府左右各兵衛五十五人。與掃部寮相當。督佐尉志醫師府生在其兩間次主禮左右各一人次第司。

長官在其間。從二人。次主禮左右各一人次第司判官一人，在其間。從二人。東宮儲馬次之衛府佐已上，副馬各三疋分在道左右持諸司，蓑笠者次之捉搦非違者各一人次之。以右近衛為之，下同。主禮左右各一人次之次第司，次官一人。從二人。在其間次兵部省掌左右各一人次第司，主典一人。從二人。在其間持唱計及鹵簿，札直丁各一人。計唱人。在左鹵簿在右與主典，次大舍人寮官人左右馬腹相當並在省掌內。

各二人圖書官人左右各一人內藏寮官人各
一人次之縫殿寮官人各一人次之內匠寮官
人各一人次之儲調度韓櫃在其間內藥司官
人左右各一人御藥儲韓櫃在其間次大藏省
官人各一人在道左右官內省官人各一人次
之主殿寮官人各一人次之典藥寮官人左右
各一人御藥儲韓櫃在其間進物所膳部各三
人在道左右進物所御韓櫃二合在其間內膳

司正并奉膳在道左右正在左奉膳在右典膳左右各
一人次之御膳韓櫃十合在其間第一韓櫃與正奉膳平頭
主水司官人各一人在道左右大膳職官人各
一人次之大炊寮官人各一人次之造酒司官
人各一人次之采女司官人各一人次之捉搦
非違者各一人次之主禮各一人在道左右次
第司判官一人在其間從人木工寮官人各一
人在道左右兵庫寮官人各一人次之雅樂寮

官人各一人次之右衛門府左右各門部卅人
衛士百人與右兵衛陣相當督佐尉志醫師府生在其
間捉搦非違者左右各一人與雅樂寮相當主禮左右
各一人次之次第司主典一人在其間從二人左
右馬寮儲御馬左右各四疋馬醫左右各一人
次之史生各一人次之裝束司長官以下聞警
蹕豫出列立路邊異位重行乘輿御禊所之後皇太
子步行參詣時刻神祇官奏禊詞訖遷御供膳

所賜陪從五位以上ニキヌフスマヲ衣被各有差山城國掾訖
車駕還宮

4年10月



Faint vertical text in a rectangular frame, likely bleed-through from the reverse side of the page.

儀三廿九

Blank paper label at the top of the right page.

Vertical text on the right side of the page, possibly a title or chapter heading.

Main vertical text on the right page, likely the primary content of the page.

Small vertical text at the bottom left corner of the right page, possibly a page number or reference.

